



18  
14983

Broj: 06-11-7218/23-8  
Ilidža, 29.11.2023. godine

Na osnovu člana 70, Zakona o javnim nabavkama BiH ( «Službeni glasnik BiH» broj 39/14 i 59/22), te na osnovu Zapisnika o pregledu i ocjeni ponuda broj: 06-11-7218/23-7 K od 29.11.2023.godine, Općinski načelnik donosi

### ODLUKU

#### o dodjeli Okvirnog sporazuma najpovoljnijem ponuđaču za javnu nabavku broj 112/23 LOT 2

#### I

Prihvata se preporuka Komisije za javne nabavke za JN 112/23 Ispitivanje dječijih igrališta i sportske opreme i podloge za dječija igrališta LOT 2 ISPITIVANJESPORTSKE OPREME I PODLOGE ZA DJEČIJA IGRALIŠTA kojom se ponuda ponuđača Rudarski institut d.d. Tuzla, ul. Rudarska br. 72, Tuzla, čija je cijena ponude bez PDV-a iznosi 4.750,00 KM, proglašava najpovoljnijom.

#### II

Obavezuje se ponuđač da u roku od pet dana od dana prijema ove Odluke Ugovornom organu dostavi dokumentaciju, shodno članu 45. Stav (2) Zakona o javnim nabavkama.

#### III

Po pravosnažnosti ove Odluke, Ugovorni organ će pozvati izabranog ponuđača radi zaključenja Okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima Ugovornog organa navedenim za otvoreni postupak.

#### IV

Ova Odluka će biti objavljena na portalu Općine Ilidža.

### Obrazloženje

Postupak javne nabavke broj JN 112/23 Ispitivanje dječijih igrališta i sportske opreme i podloge za dječija igrališta LOT 2 ISPITIVANJESPORTSKE OPREME I PODLOGE ZA DJEČIJA IGRALIŠTA putem otvorenog postupka pokrenut je Odlukom o pokretanju postupka nabavke broj: 06-11-7218/23-1 od 10.11.2023. godine

Javna nabavka objavljena je na portalu javnih nabavki brojem 888-1-1-272-3-259/23 od 23.10.2023.godine i 888-1-2-272-8-271/23 od 10.11.2023.godine

Do datuma određenog kao krajnji rok za prijem ponuda, pristigle su sljedeće ponude:

Rbr.	Broj protokola	Naziv/ Ime ponuđača	Ukupna cijena ponude (bez PDV-a) KM
1.	06-11-7218/3-23	Institut za standarde i sigurnost d.o.o. Sarajevo	4.100,00



2.	06-11-7218/4-23	Rudarski institut d.d. Tuzla	4.750,00
----	-----------------	------------------------------	----------

Nakon pregleda i analize ponuda Komisija je utvrdila da se ponuda ponuđača Institut za standarde i sigurnost d.o.o. Sarajevo, ul. Stupska bb, Iliđa odbacuje kao nepravilna jer je isti:

- propustio numerisati ponudu kako je to definisano tačkom 3. tenderske dokumentacije gdje stoji: "Stranice ponude se označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki slijedeći dio započinje rednim brojem kojim se nastavlja redni broj stranice kojim završava prethodni dio." Naime, ponuda ponuđača "Institut za standarde i sigurnost" d.o.o. Sarajevo se sastoji iz dva dijela koja su čvrsto uvezana ali drugi dio ponude nije numerisan na način da se nastavlja kontinuitet u numerisanju u odnosu na prvi dio, u konkretnom slučaju prvi dio ponude završava sa rednim brojem 28 a drugi dio počinje sa rednim brojem 1;

- propustio je dostaviti ponudu u skladu sa uputama iz tačke 3.2. Tenderske dokumentacije u kojoj je definisan način dostavljanja dokumenta (ukoliko je podjela na lotove) koja glasi: Ponuda za svaki lot se pakuje u posebnoj koverti. Ponuđač koji dostavlja ponude za više lotova, može dokumente o kvalifikaciji koji su zajednički dostaviti na jedan od sljedećih načina:

- U posebnoj koverti na kojoj će jasno naznačiti da dostavlja dokaze za kvalifikaciju, ili
- Uz ponudu koja je prva po redoslijedu lotova na koji se prijavljuje, ili
- Posebno uz svaki lot.

**Ostali traženi dokumenti i dokazi koji se podnose za pojedini lot moraju se dostaviti u ponudi za taj lot.** Ukoliko ponuđač dostavlja ponude za više lotova i iste pakuje u jednu zajedničku kovertu, na istoj je obavezan naznačiti za koje lotove dostavlja ponude.

Ponuđač je u konkretnom slučaju učestvovao na oba Lot-a ali je ponudu pripremio na način da je u ponudi za Lot 2 upakovao Obrascze za ponudu i cijenu ponude za oba Lot-a .

-propustio dostaviti dokaze iz tačke 2.4.2 Tenderske dokumentacije (spisak izvršenih ugovora u posljednje tri godine, ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od tri godine, sa potvrđama izdatim od druge ugovorne strane o uredno izvršenim ugovorima) kojim je trebao dokazati uspješno iskustvo u realizaciji najmanje jednog ugovora čiji je karakter i kompleksnost isti ili sličan onima koji se odnose na predloženi ugovor, u prethodne tri godine ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od tri godine, u iznosu od minimalno 4.000,00 KM bez PDV-a.

Preostali ponuđač Rudarski institut d.d. Tuzla ispunjava sve uslove iz tenderske dokumentacije. Obzirom da je pristigla jedna prihvatljiva ponuda čija je vrijednost u okviru obezbjeđenih budžetskih sredstava Komisija za javne nabavke je zapisnikom broj: 06-11-7218/23-7 K od 29.11.2023.godine dala preporuku ugovornom organu za donošenje Odluke o izboru najpovoljnijeg ponuđaču Rudarski institut d.d. Tuzla, čija cijena ponude bez PDV-a iznosi 4.750,00 KM.

Cijeneći navedeno odlučeno je kao u dispozitivu.



**POUČKA O PRAVNOM LIJEKU:** Protiv ove Odluke ponuđači imaju pravo da izjave žalbu Uredu za razmatranje žalbi, putem ugovornog organa, u roku od 10 (deset) dana od dana preuzimanja odluke. Ponuđač je dužan dostaviti žalbu ugovornom organu u tri primjerka u pisanoj formi direktno, ili preporučenom poštanskom pošiljkom.

Izradila: Lejla Z.  
Kontroliso: Benjamin M.

**DOSTAVLJENO:**

1. Institut za standarde i sigurnost d.o.o. Sarajevo  
ul. Stupska bb, Ilidža
2. Rudarski institut d.d. Tuzla,  
ul. Rudarska br. 72, Tuzla
3. Kabinet Općinskog načelnika
4. Služba za finansije;
5. Služba za komunalne poslove i puteve
6. Služba za zajedničke poslove (za WEB)
7. a/a

**OPĆINSKI NAČELNIK**

**Nermin Muzur, magistar uprave**